

麻城縣志卷二十九

人物志

流寓

鸞止鳳棲萃桐朝旭君子之來紀其芳燭

漢

毛玠字孝先陳留平邱人玠攜幼子家於麻城有魏武手書萬古高風四大字迄今子孫珍藏之府志

唐

陸餘慶蘇州人舉制策甲科第任陽城尉舊志

宋

麻城縣志

卷二十九

人物流寓

六一

洪渥撫州臨川人以進士從鄉舉有能賦名監麻城茶場以死清貧不能歸葬亦不能返其孥遂家于麻城按洪渥傳渥為人和平與人遊初不甚歡久而有味家貧以進士從鄉舉有能賦名初進于有司輒不出久之乃得官官不馳騁又久不進監麻城茶場卒遂家焉

李孝基奉職官岐亭以同僚誣搆死室無餘貲母老口衆無歸棺槨無備陳季常既捐其有以周之又言于郡將率鎮人行助其乏復嫁其女

陳慥字季常少時使酒好劍嘗與蘇軾遊西山馬上論用

兵及古今成敗自謂一世豪士晚棄田宅遯於光黃間曰岐亭菴居蔬食徒步往來山中妻子奴婢皆有自得之意人見其所著帽方聳而高因謂之方山子及蘇軾謫黃州過岐亭識之人始知爲慥云

府志

元

鄒遷八江西人官主事避難麻城居縣西北之黥兵山今分土爲黃安葬黃安北關外地名鄒家港其墓現存子九人各占籍一縣自慶一至慶九裔皆蕃衍惟麻城係慶五之後科甲蟬聯子姓皆以詩禮傳家彬彬多文學風

麻城縣志

卷二十九

人物流寓

六三

喻千祿江西人黃州刺史多惠政工詩賦精陰陽律歷諸書與其弟百祿寓居麻城墓在三角湖上

明

趙乾歸安人元趙子昂之裔洪武初知麻城縣後寓居於縣西之牛棚麓子孫家焉

趙弼南平人元末避兵居漢川門人陳祖舜任麻城教職弼因寓麻城喜登高賦有八景詩

黃紱其先封邱籍平越人父中商重慶娶于張生公長依舅氏張宗琦爲麻城學職從知麻城學春秋歸平越補衛

學生正統丁卯以春秋中雲南鄉試第五明年登進士歷官南京戶部尙書改左都御史公廉峻直質遇事臚發正色山立即重忤時貴弗恤智巧所避公毅肩之人率笑其杲然亦以是獲名

劉春四川巴縣人弟名台父規任麻城知縣隨任春受禮記于舉人劉瑄台受春秋于進士劉旭後歸兄弟俱中四川解元俱登進士春歷官禮部尙書爲時名卿台歷官參議壽九十餘

吳雲浙江縉雲人父晉民任麻城縣縣丞雲受麻城春秋麻城縣志

卷二十九

人物流寓

六三

登進士有名于時

張大用四川順慶人祖瑞任麻城縣縣丞大用隨任受學于王大賓歸中進士歷官僉事

劉成穆四川崇慶人父杜朝紳任麻城知縣成穆隨任受春秋于陳僉歸復劉姓中四川鄉試魁

國朝

吳興泌號亦白閩人家世未詳或曰明季顯宦罷官流寓麻城與曹石霞魯秋崖輩相友善博學善詩文稿無存者所傳有秋崖逸老傳

彭念祖黃安拔貢遷居岐亭官山東兗州知府
秦邦畿康熙癸卯武舉自黃岡遷居岐亭後補運糧千總
未任卒子孫遂居麻城

麻城縣志

卷二十九

人物流寓

六四

